

馮氏錦囊秘錄症疹全集卷

麻疹門

男 乾元龍田

海鹽馮兆張楚瞻甫纂輯

門人羅如桂丹臣全較

男 乾泰坦公

麻疹碎金賦

疹屬君火氣本少陰傳於其子兮故爲脾胃之證乘於其妻兮現乎皮毛之分亦胎毒之所發因疫癘而後成咳嗽具嚏兮辛金煉於丁火頓悶淚出兮君主御乎將軍迎而侮之兮其鋒易挫隨而擊之兮其銳難勝如折勾萌兮公不用苟待燎原兮玉石俱焚其色之斑兮漠之有迹其

形似痘兮。視之無津。朝出暮收兮。發之於陰。變化暮測。出沒靡定。大抵愛赤而惡黑。治者喜涼而忌溫。赤如點朱兮。光明彰顯之象。黑如灑墨兮。火由睡昧之甚。制以酸涼兮。收炎光於灑澤。投以辛熱兮。縱赤曦於重明。○痘欲盡發而不留疹。欲盡出而無病。或邪氣之鬱遏兮。留而不去。或正氣之損傷兮。困而求伸。毒歸在臟。變有四證。毒歸脾胃兮。泄瀉不止而變利。毒歸心肝兮。煩熱不退而發驚。驚咳久而血出兮。毒歸於肺。牙齒爛而疳蝕兮。毒歸於腎。輕者從制以蠲。重者平之。有功重者拒敵而肆惡。攻之不勝。牙若脫落兮。崩裂之狀。可畏。聲若啞頃。

兮。狐惑之證難明。○應出不出兮。發之須臾。應收不收兮。
解之應明。色淡白兮。爲虛。宜溫養血。色紫黑兮。血熱。宜化
毒清。發不出而煩躁兮。虞不能臘。黑不變而譫妄兮。食不
及新。蒸蒸兮。色赤。刺滴滴兮。氣腥。羸瘦骨肉之脫。痠癢
神識之昏。喘急兮。胸高肩聳。疳爛兮。漏腮缺唇。休誇三世
之妙手。難留一息之遊魂。○豈不間誤服湯丸兮。不如勿
藥。又不見特犯禁忌兮。可以自省。爰嘆鹹酸兮。咳嗽連綿。
而未已。喜啖辛燥兮。火熱燔灼而不寧。甘甜過而齒齲生
冷多而壅滯。雞則生風之畜。魚則動火之鱗。雞魚貪而亂
食。風火併而啟釁。邪反滋甚兮。爲斑疹而不息。毒反深入

分。值。疫。癘。而。再。經。斯。則。疹。之。遺。毒。亦。若。痘。之。餘。症。

金鏡賦

痲雖胎毒。多帶時行。氣候暄熱。傳染而成。發也與痘相類。變也。比痘匪輕。先起於陽。後歸於陰。毒盛於脾。熱流於心。臟腑之傷。肺則尤甚。始終之變。腎則無症。初則發熱。有類傷寒。眼胞困倦。而難起鼻流清涕。而不乾。咳嗽少食。煩渴難安。斜目視之。隱隱皮膚之下。以手摸之。磊磊肌肉之間。其形若芥。其色若丹。出見三日。漸沒爲安。隨出隨沒。喘急須防。根窠若腫。兮疹而兼癰。皮膚如赤。兮疹猶夾斑。似錦而明。兮不藥而愈。如煤而黑。兮百無一痊。疹既出。謂理。

殊難坐臥欲煖飲食宜淡咳嗽涎沫必禁酸鹹忽生喘急
肺受風寒心脾火灼口舌生瘡肺胃蘊熱津液長流有此
變症治法不同微汗則邪無畜便利則毒無壅喉痛煩渴
解毒爲先譫妄恍惚清心是尚腠裏拂鬱兮卽當發散腸
胃秘結兮急與疎通顏色紫黯而血凝兮疏壅涼血頭面
未起而氣滯兮透托升提鼻衄者不必憂治邪從衄解自
行者亦毋遽止毒以利鬆麻後多痢兮熱毒移於大腸咳
嗽喉痛兮痰熱滯於心胸口渴心煩法在生津養血飲食
減少治宜調胃和中此是麻之大旨玄奧悟之無窮

論疹與痘治法

痲者卽疹也。毒者卽火也。痘疹皆胎毒所發。痘子大而掀腫者。少陽三焦火也。陽迫常饒。故大而腫。疹子小而細密者。少陰心火也。陰道常乏。故小而密。痘毒出於臟。疹毒出於腑。臟屬陰。陰主血。故痘有形而有汁。腑屬陽。陽主氣。故疹有形而無漿。痘有寒而有熱。疹則有熱而無寒。爲症旣異。治法亦殊。痘宜內實。可用補劑。疹忌內實。只宜解散。毒雖一而發則殊。治法因而有變也。其初出之際。痘防表虛。不可過表。疹貴出盡。過表無妨。旣出之後。疹則補陰以制陽。痘則補氣以生血。蓋疹熱甚。則陰分煎熬。血多虛耗。旣出卽解。惟慮陰虛火動。餘熱難清耳。故宜滋陰清火。凡

燥悍之劑首尾當深忌也。若夫痘瘡既出，必賴氣以拘血。血以附氣，相濟成功。起脹貫膿，結痂後已。非若疹子出透已無餘事也。然痲疹多見肺症者，以心肺屬陽而位乎上。心火旺則肺受之，故觀其咳嗽者，火炎上而肺葉焦舉也。鼻流清涕者，鼻爲肺竅，火燦金故液自流也。日中淚出者，肺熱而移於肝，肝之竅在目也。手搯眉目，唇鼻及面者，皆肺熱症也。故治疹專以心肺爲主。然發熱之初，與傷寒相似。但疹子則面浮腮赤，咳嗽噴嚏，鼻流清涕，其淚汪汪，眼胞浮腫，惡心乾嘔，呵欠喜睡，或作吐瀉，或手指鼻面眉目是皆疹候也。治宜升麻葛根湯。雖寒勿用桂枝。雖虛勿用。

參朮雖嘔而有痰。勿用。半夏南星并忌。誤作傷寒。汗下。汗則增其熱。而爲鼻衄。欬血。口瘡。咽痛。煩燥。目赤。二便不通。下則大虛其裏。或爲滑泄。或爲滯下。此治之畧也。如手足稍微冷。一身盡熱。惡寒無汗。而色青。捺而不舒者。是傷寒之熱也。如手足稍微溫。發熱有汗。面赤而光。鼻流清涕者。是傷風之熱也。如午前發熱。目胞高腫。面黃吐利。腹疼。頭額肚腹倍熱。或晝熱夜涼。及上熱下冷者。是傷食之熱也。如手掌心有汗。手絡脉微動。面色青紅。時作驚陽者。此驚熱也。如唇紅。頰赤。二便俱閉。脇下有汗。身熱而倍能食者。此風熱也。惟痘疹熱者。則四臟之症俱見。然以上諸症久。

而不去則內外感發。所蘊痘疹之毒。亦能乘間而出矣。

論諸熱誤治發斑疹

斑疹一症。多因諸症發熱。調治失宜。血分壅熱。不得宣洩。沸騰肌表。而爲點也。故凡專因痧疹發熱者。白當表發。若一遇發熱。不識何病。便加痧疹名目。妄行攻托。以致血熱壅盛。迫血迎行。沸騰於肌肉之間。如擊水過。賴之象。實非痧疹之本症。乃因藥峻攻。猶傷寒熱極而爲斑也。其點雖見。而血分已受煎熬。困極矣。更有血滯血枯。而終難見點者。醫家欲踐其言。用藥峻發。不見不已。斑疹本爲血熱之所化。血無是病。而必藥以成之。其爲用也更甚。則實死於

藥不死於疹。故諸發熱。隨所因而調治得宜。則榮衛和而熱自退。何有熱極。斑疹之患。倘諸熱。妄謂麻疹。攻發則鬱熱無從宣洩。皆可鼎沸成形。至此陽越於外。陰覆於裏。既空虛則不食昏悶。身熱氣促。嘔噦惡心等症。勢所必然。復謂疹毒未清。誤加清涼解毒。以治熱毒有餘之藥。而攻元氣受傷之病。其欲不死焉可得乎。張治斑疹見點之後。壯熱昏沉。喘促煩躁。口渴不食。泄瀉吐衄。或頭而先沒。額熱身烙。足冷者。俱用峻補真陰真陽一二劑。而熱退神強。能食便調而愈。有案另陳於二十卷證治方按之內。幸高明詳之。蓋血爲火迫而成形於外。則經絡之陰其消耗。

可知陽氣浮越於表則少火之藏納於丹田者其衰敗可知。水火既已兩亡則脾元何能運用中氣之火傷不待言矣。若不峻補真陰真陽何以爲保精氣神而資生身之用耶。吳鶴皋曰以參耆桂附而治斑者法之變也。醫不達蘊安足語此。但芪桂純走陽分亦非所宜。若不兼以陰藥何能制其僭熱。況功疹陰分大傷者乎。經曰陽強不能密陰氣乃絕。陰平陽秘精神乃治。陰陽離決精氣乃絕。誠百病求生者之至理也。

論痧疹屬腑治法

夫陰陽交媾火毒蘊焉。男子陽盛則淫火中於氣而爲痧。

毒發於六腑。腑屬陽而爲氣。故疹有形而無汁。是以發熱之初。大與血分煎熬。首尾並宜滋陰補血爲主。不可一毫動氣。女子陰盛。則淫火中於血而爲痘。毒發於五臟。臟屬陰。而主血。故痘有形而有漿。是以發熱之初。大與氣分搏擊。治宜涼血補氣爲主。此以痘疹大槩言之。然氣血虛實不同。未可一例而斷也。凡看痘疹之法。多於耳後項上腰脰先見其頂尖而不長。其形小而勻淨。色紅者兼火化也。宜用牛蒡連翹升麻骨皮知母之類。色白者血不足也。尤宜當歸赤芍紅花之類。色紫乾燥暗晦者。火盛毒熾也。宜發表解毒而兼滋陰涼血。則熱自除。所謂養陰退陽也。若

至黑色者則熱毒熾極不治惟下之以圖萬一凡疹出之際切忌風寒生冷。否則皮膚閉塞毒氣壅滯遂變渾身青紫或復隱沒毒反內攻煩躁腹痛氣喘悶亂危亡頃至矣。若初出反沒未見惡症者重加表發或有得生然諸現疹雖屬陽症實多由內傷乳食脾胃不足是以榮氣逆行而然故虛火內熾燦其陰覆於外火內熾者陰已虧極也陰覆外者陽亦外走也。

張

按古人以疹屬少陰心火以其色赤也故多飛肺而見

咳嗽諸症。班屬陽明胃火以胃主肌肉也。班疹多實熱。班

有假陽爲定論。然班疹總屬腑症爲血之餘而疹亦見於

肌肉有形無汁者也。近來發熱日久而見疹者亦不外乎榮分熱極陰血沸騰卽屬斑類。故不必以斑疹分。但當以虛實判實者正治虛者從治。斑之實者卽以古人治疹之法治。斑疹之虛者卽以治斑之假陽者治。疹天之氣化薄人稟元氣愈虧卽病之實者邪氣實非真實也。病一退而正氣卽虛乃真虛也。今醫徒守古人疹多實熱之論。宜涼肆進壯實者根本原回。故得標症清解而卽愈。怯弱立不耐疾病。經此多日壯熱早已陰虧氣弱。再加疎表解毒寒涼以有形有餘之藥攻無形所變之虛。不知陽毒之有餘實由陰分之不足捨其實在之虛攻其無影之毒。有不

令愈熱煩躁而增泄瀉喘促甚至不起者多矣。張深憫其
危謹立全真一氣湯去人參而用治痲疹之危困者屢有
神效。可見難作實熱爲定論明矣。

論疹中咳嗽吐利咽痛口渴

疹子發熱之初其點未見而咳嗽咽疼上氣喘急面目浮
腫時臥時起心煩口渴者此毒火內蒸而肺葉焦燥也宜
甘桔湯合人參白虎湯加減主之若初發熱而吐利者此
邪火內迫上焦則吐下焦則利中焦則吐利並多治宜解
毒發表清涼不可以瀉吐利也若裏急後重而爲滯下者
則少加大黃以微利之是爲純熱之症不可以作寒論宜
馬氏補遺必錄痲疹卷上三

於疹家吐利求之。勿從吐利滯下而治。若咽喉腫痛。不能飲食者。宜甘桔湯加牛蒡子之類。若渴欲飲水者。此邪火外入心火內炎。是以肺焦而胃乾也。初發熱而渴者。則用升麻葛根湯。以表暴其邪。疹出而熱毒自解。出後而渴者。則用花粉麥冬。合黃連解毒湯主之。其所宜飲者。棗豆燈心。灼米湯。以生津解熱而已。若恣飲冷水。重則毒氣內攻。不救。輕則變成小蓄之症。水入於肺。則爲喘。爲咳。入於脾。則爲腫。爲脹。爲自利。入於胃。則爲吐。爲噦。入於心。則爲悸。爲驚。或爲煩悶。入於肝。則爲脇痛。入於腎與膀胱。則爲小便不利。爲囊腫。且餘毒不清。變現諸症矣。